

Kapangidwe ka mayina kuchokera ku mnani

Pophatikiza aphetikiram'mbuyo ku masinde a anani

Zitsanzo

Mnani	Dzina	Mnani	Dzina	Mnani	Dzina
busa	mbusa	suma	msuma	londa	mlonda

Posintha lembo "a" lotsiriza nalo tsinde la mnani kuti likhale "o"

Zitsanzo

Mnani	Dzina	Mnani	Dzina	Mnani	Dzina
funsa	funso	nola	nolo	pempha	pempho

Pophatikiza aphetikiram'mbuyo ku masinde aanani komanso kusintha lembo "a" lotsiriza nalo tsinde la mnani kuti likhale "e" kapena "i" kapenanso "o"

Zitsanzo

Mnani	Dzina	Mnani	Dzina	Mnani	Dzina
pera	chipere	phunzitsa	mphunzitsi	pera	mphero

Mayina ochokera ku ziyankhulo zina

Mayina ochokera ku chingerezi

Chidole Mandasi Beni Thaulo Matchini Poto Chidole Mandasi Nderema
Sawatcha Chitofu Makina Sangwenji Bauti Kholomo Bwato Tchaitchi Chioda
Uvuni Ferempani Komboni Langwani Dansi Mpopi Chilesi Tebulo Mbingwani
Kanema Hachi Wezulo

Mayina ochokera ku chipwitikizi

Dona Nsapato Apiru Kavalo Fodya Bulu Kapitao Mbatata Zenera Kachasu
Malinyero

Mayina ochokera ku chishona

Bota Muti Dondo Chingwa Gomo Marasha

Mayina obwerekera ku ziyankhulo zina

Nduna (chingoni) Sofa (chiarabu) Bwana (chiswahili) Komichi (chiafirikanizi) Kakasi
(chiyao) M'mwenye (chiswahili) Chipewa (chifalansa) Boma (chiswahili) Mlingo
(chiyao) Chikepe (chiafirikanizi) Zakhali (chisutu)

Njira zoikira mayina m'magulu

Kutsatira m'phetikiram'mbuyo wonena chimodzi ndi

zambiri

Zitsanzo

Munthu	anthu (Mu-A-)
Lirime	malirime (Li-Ma-)

Kutsatira agwirizanitsi m'chiganizo

Zitsanzo

Mwana wagona Galu
wagona Chule wagona
Mwana, Galu, Chule = Mu-A

Ntchito za mayina

1. Kukhala mwininkhani

-dzina likachita kanthu m'chiganizo

Zitsanzo

Galimoto yagunda Kalulu

Mnyamata akudula mitengo

2. Kukhala pamtherankhani

Dzina likachitiridwa kanthu m'chiganizo limatchedwa pamtherankhani.
Pali mitundu iwiri ya pamtherankhani: **wachindunji** ndi **wopanda chindunji**
a. Pamtherankhani wachindunji ndi yemwe ntchito ya mneni yatherapo.

Zitsanzo

Galimoto yagunda Kalulu.

Mnyamata akudula mtengo

b. Pamtherankhani wopanda chindunji ndi dzina lomwe lalandira kapena
lachitiridwa kanthu.

Zitsanzo

Amayi agulira mwana Malaya

Abambo agulira Mole chidole

3. **Kukhala pamtherankhani wa mperekezi**

Zitsanzo

Andimenya ndi ndodo

Iye wapiti ku Zomba

4. **Kusonyeza malo**

Zitsanzo

M'madzi mumapezeka zinthu zosiyanasiyana

Pampando pali mphaka

5. **Kukhala mtsirizitsi**

-dzina likatsiriza ganizo la mneni awa: -li -ndi ndi -si

Zitsanzo

Pampanda pali pusi

Linda ndi mtsikana wabwino

Ng'oma si mbusa

6. **Kukhala mwini chinthu**

Zitsanzo

Buku la mphunzitsi la nyowa.

M'chiuno mwa mwana simufa nkuku.

7. **Kukhala dzina la chipangizo kapena chida**

Zitsanzo

Musandimenye ndi ndodo.

Amalume abwera pa ndege

8. **Kukhala dzina loitanira**

Mercy, bwera kuno.

Maliko, tengako chiwaya.

Alowam'malo

Mawu amaima m'malo mwa dzina

Mitundu ya alowam'malo

a. Mlowammalo wa dzina lakelake

-amayimira woyankhula, kapena womvera kapenanso wonenedwa. Alipo
mitundu itatu.

b. Mlowam'malo wa kaloza mwini

-amayimira woyankhla

Chitsanzo

Kodi mukunena ine?

Ife tipita kwa Cholwe.

c. **Mlowam'malo wa kaloza mnzako**

-amayimira amene akumva zomwe mlowam'malo wa kaloza mwini akunena.

Zitsanzo

Iwe sumva kamodzi

Ndikuyankhula ndi inu.

d. **Mlowam'malo wa kaloza wina**

-amaimira amene akunenedwa (okambidwa)

Zitsanz

Iye amadzikonda

Iwo akuba nzimbe

Ndikufuna zomwe zija

1. **Mlowam'malo wa umwini**

Zitsanzo

Wake wabwera dzulo.

Zanga zili pa phiri.

2. **Mlowam'malo wagwirizano**

Zitsanzo

Amene afuna abwere

4. **Mlowam'malo odzichitira**

-amaimira yemwe wagwira ntchito,ndipo ntchito imubwerera woichitayo.

-mneni wake amakhala ndi mphatikiram'kati -dzi-

-amapangidwa kuchokera kutsinde -kha-

Zitsanzo

Wadzimenya yekha

Udzimvere wekha

5. **Mlowam'malo wotsimikiza**

-amatsendera zomwe mlowam'malo wina wachita kapena wachitiridwa

-amatsatidwa ndi mlowam'malo yemwe wachita kapena wachitidwa kanthu nthawi zonse.

-amapangidwa kuchokera kumasinde awa -mwe, -mene ndi -ni

Zitsanzo

Iye mwini wandifunsa za nkhaniyo.

Ine ndemwe ndavutitsidwa ndi bwana

Inu amene simungandimenye

6. **Mlowam'malo wofunsa**

-amapangidwa kuchokera ku masinde wofunsa -tani, -ti,-ngati ndi -yani

Zitsanzo

Ukufuna zotani?

Wayani akubwera apooyo?

Mwatenga ziti?

7. **Mlowam'malo wochuluka**

-amasonyeza chiwerengero cha zinthu

-ali mitundu iwiri

a.**Mlowam'malo wochuluka wowerenga**

-amapangidwa kuchokera ku masinde amawerengero –modzi –wiri –tatu –
nayi ndi –sanu

Zitsanzo

Ndadya ziwiri zokha

Mundigulire zitatatu

b.Mlowam'malo wochuluka wogawa

-amapangidwa ndi mawu ochokera ku masinde airi –li ndi –nse

Zitsanzo

Pasukulu pano aliyens ndi

Kalikonse kali ndi nthawi

mnzanga

Ndikufuna chilichonse

8. Mlowam'malo opatula(wapayekha)

-amapangidwa kuchokera kumasinde –chepa , -ngapo, -mbiri, -na ndi –nse

Zitsanzo

Ndigawirenikoni zochepa

Enga abwera kale

zokha

Udye zonse

Angapo abwera kale

Ntchito za alowam'malo

1. Kukhala mwininkhani

-amaimira chinthu kapena
munthu yemwe wachita
ntchito m'chiganizo.

Zitsanzo

Ine ndipita kwathu

Iye walima kale

**2. Kukhala pamtherankhani
wachindunji**

Zitsanzo

Amayi akufuna iwe usapite
nawo

Aphunzitsi aona ife tokha

**3. Kukhala wamtherankhani
wopanda chindunji**

Zitsanzo

Makolo apheri iwe nkuku
imeneyi

Agulira iye njinga mukuiona
paja

**4. Kukhala pamtherankhani wa
mperekezi**

Zitsanzo

Aphunzitsiwa akunena za iwe

Akupita kwa inu

5. Kuitanira

Zitsanzo

Iwe,bwera kuno

Inu, taimani pomwepo

6. Kukhala mtsirizitsi

Zitsanzo

Mwanayo ndi uyo

M'nyumbamo muli iye

Agwirizanitsi

-Ndi mphatikiri amene amasonyeza kugwirizana kwa mayina ndi mawu ena m'chiganizo

Mitundu ya agwirizanitsi

1. Mgwirizanitsi wa mwininkhani

-mphatikram'mbuyo wa
mneni ndipo amagwirizanita
amene wachita ntchito ndi
mneni.

Zitsanzo

Kalulu wathawira ku dondo.

Ntchetche zimaswana nthawi
ya dzinja.

2. Mgwirizanitsi wa

pamtherankhani

-mphatikiram'kati
wokhudzana ndi tsinde la
mneni ndipo amagwirizana
ndi amene wapirira ntchito ya
mneniyo

Zitsanzo

Njala ya tikhaulitsa tonse.

Jasi adamulanda njinga
akuba.

3. Mgwirizanitsi wa umwini

-mphatikiram'mbuyo kutsinde
losonyeza umwini

Zitsanzo

Sukulu yathu ayikongoletsa.

Malaya anga ang'ambika.

4. Mgwirizanitsi wa

ubale/mgwirizano

-mphatikiram'mbuyo ku
tsinde la mgwirizano

Zitsanzo

Chinthu chimene mukufuna
palibe pano.

Mnyamata yemwe

wabwerayo akufuna ine.

5. Mgwirizanitsi wowerengera

-mphatikram'mbuyo ku tsinde
lowerengera

Zitsanzo

Tikupatsani mabuku atatu.

Mapanga awiri avumbwitsa.

6. Mgwirizanitsi woloza

-mphatikiram'mbuyo kutsinde
lolozera

Zitsanzo

Nkhuku ija muphe.

Patsala paja pagona chiziri.

7. Mgwirizanitsi wa mfotokozi

-mphatikiram'mbuyo ku tsinde
la mfotokozi ndi ku mawu en
omwe ndi afotokozi.

Zitsanzo

Mnyamata wamkulu

walephera mayeso.

Nyemba zofiira zimakoma.

8. Mgwirizanitsi odzichitira

Zitsanzo

Ine ndadzivutitsa

Amayi adzimenya

9. Mgwirizanitsi wa aonjezi

Zitsanzo

Ife timayimba mokoma

Iwo amalankhula monyada

Kanenedwe ka aneni

Kanenedwe ka aneni ndi ntchito yomwe aneni amagwira m'ziganizo. Aneniwa amagawidwa m'mitundu yosiyanasiyana molingana ndi tchito yomwe amagwira m'ziganizo monga kufotokoza, kulamula, ndi kufunsa.

Mitundu ya kanenedwe ka aneni

1. Kanenedwe kofotokoza

-amagwira ntchito
yofotokoza
zitsanzo

Mvula idagwa kwambiri
dzana.

Galu wanu wagwira nkhuu
dzana.

2. Kanenedwe kolamula

-mneniyu amagwiritsidwa
ntchito popereka lamulo
-kali ndi mitundu yakeyake
yotsatirayi

a. kolamula

wamba(mwachindunji)

zitsanzo

Khala pansi mwasanga

Gonani popeza kwada

b. kolamula mopepha

(molangiza)

zitsanzo

Bagona chifikwa sikunache

Ubakhala kaye ndikupeza

c. kolamula mokakamiza

zitsanzo

Muzipita kwanu, tatopa nanu

Uzimwa mankhwala tsiku
lililonse

3. Kanenedwe kachifuniro

Aneni a m'kanenedweka
amanena za khumbo kapena
mafuno

Zitsanzo

Mulungu akudalitseni

Ause mu mtendere

4. Kanenedwe koonetsa kutheka kapena kusatheka kwa chinthu

Aneni ake amaonetsa kuti
china chake chingachitike
kapena sichingachitike

Zitsanzo

Inu simungayankhe funso ili
Mwanayu angayendetse
galimoto

5. Kanenedwe kofunsa

Zitsanzo

Kodi mwadya nsima ija?

Ukufuna chiyani, Mwayi?

6. Kanenedwe ka cholinga

Aneni ake amafotokoza
cholinga chochitira kanthu.

Kawirikawiri amakhala

patso golo pa mawu oti "kuti"

Nziganizo zina mawu oti “kuti”
salembedwa.

Zitsanzo

Asodza usiku onse kuti aphe
nsomba zambiri
Gona,upumule

7. **Kanenedwe ka pokhapoka**

Kawirikawiri aneni
am'kalembedweka
amakhala ndi
mphatikiram'kati
wapokhapokha –“ka”
Zitsanzo
Ndikadakhala ndi mapiko
ndikadauluka
Akabwera ndipita nawo

8. **Kanenedwe kopempha chilolezo**

Zitsanzo

Bwanji ndipite nanu
Mundigawireko zomwe
mukudya

9. **Kanenedwe ka zotsatira**

Aneni a m'kalembedweka
amasonyeza kuti china chake
chitachitika chidatsatira ndi
chakuti.
Zitsanzo
Wachenjera katalumwa
Atawerenga kwambiri
adapambana mayeso

Kachitidwe ka aneni

-ndi khalidwe la mneni lomwe limaonetsa m'gwirizano womwe umakhala
m'chiganizo pakati pa mwininkhani kapena pamtherankhani ndi mneni.

Mitundu ya kachitidwe ka aneni

Pali mitundu iwiri:

1. **Kachitidwe ka wochita**

Pamene mwini nkhani ayamba chiganizo,mneni wake amakhala
m'kachitidweka. Ziganizo za m'kachitidwe ka wochita zimaonetsa kuti chidwi
cha woyankhula chili pa wochita.

Zitsanzo

Malesi adaphika kholowa
wabwino

Galu wapha bakha

2. **Kachitidwe ka wochitidwa**

Pamene pamtherankhani ayamba chiganizo pofuna kuonetsa kuti ntchito
yamuchitikira,mneini amakhala m'kachitidweka. Kachitidweka kamasonyeza
kuti chidwi cha woyankhula kapena kulemba chiganizo chili pamtherankhani.
Kalipo ka mitundu itatu.

a.**kachitidwe ka wochitidwa poyera**

Aneni am'kachitidweka amathera ndi m'phatikira mtsogolo –edwa kapena –idwa

Zitsanzo

Ng'ona zaphedwa ndi
alenje

Waphedwa ndi akuba

b.kachitidwe ka wochitidwa m'chibisira

Aneni a m'kachitidweka amathera dni m'phatikikiramtsogolo “ –eka “ kapena “-ika “. Kachitidweka kamatchedwa ka m'chibisira chifukwa nthawi zambiri ntchito imaoneka ngati yachitika mwayokha.

Zitsanzo

Mundawu walimika bwino.

Chitseko chatsekeka.

c. Kachitidwe konyazitsa

Aneni ake amathera ndi m'phatikiram'tsogolo “-wa “

Zitsanzo

Akalulu azingwa.

Mnyamata wamwano
wamenywa

Nthawi za Aneni

1. Nthawi yatsopano yathayi

Mneni wa n'nthawiyi amasonyeza kuti ntchito yachitika posachedwapa ndipo yatha.

Imazindikirika mwansanga chifukwa nthawi zambiri m'phatikiram'mbuyo wa tsinde la mneni wa m'nthawiyi amathera ndi lembo la liwu “a”.

Zitsanzo

Ife talembe mayeso.

Wona nkhangamaanga
wataya nkhwali.

2. Nthawi yatsopano yopitirira

-imasonyeza kuti ntchito ikadachitikabe. Mneni wake amakhala ndi m'phatikiram'kati –ku-

Zitsanzo

Ife tikuphunzira Chichewa.

Kamwana kakunyadira
amake.

3. Nthawi yatsopano yakawirikawiri

-imasonyeza ntchito zochitika kawirikawir makamaka chifukwa cha mwambo kapena chizolowezi cha wochitayo.

Zitsanzo

Galu amawuwa kwambiri

Dziko limazungulira dzuwa.

4. Nthawi yatsopano yathayi yopitirira

Mneni wa m'nthawiye amasonyeza kuti ntchito yangothayi yakhala ikupitirira.

Zitsanzo

Anawa akhala akuimba
kuchokera m'mawa.

Ife takhala tikugona.

Nthawi yakale

5. Nthawi yakale yakawirikawiri

Imasonyeza kuti ntchito imachitika kawirikawiri kale.

Zitsanzo

Timadya mpsimpsi tikadali
ana.

Myang'anadzuwa
amatilamulira mwankhanza.

6. Nthawi yakale yathayi

Imasonyeza kuti ntchito idachitikapo kalelo.

Zitsanzo

Adapengapo asadayambe
sukulu.

Ndidapitapo kwathu.

7. Nthawi yakale yopitilira

Imasonyeza kuti ntchito inachitika mopitirira kale.

Zitsanzo

Ankayimba nyimbo pomwe ntchetcha idamulowa kukhosi.
Makolo athu ankavala nguwo.

Nthawi yamtsogolo

8. Nthawi yamtsogolo yakawirikawiri

Imasonyeza kuti ntchito izidzachitika kawirikawiri mtsogolomo

Zitsanzo

Atate azidzandipatsa ndalama zambiri ndikapita ku sekondale.
Ndizidzadya bwino ndikadzayamba ntchito.

9. Nthawi yamtsogolo yathayi

Imasonyeza kuti ntchito idzachitika china chitachitika kapena chisanachitike mtsogolomo.

Zitsanzo

Mudzakhala mutafika pomwe izikakwana folo koloko mawa madzulo.
Iye adzakhala atakwatiwa podzafika chaka cha mawa.

AONJEZI

Ndimawu omwe amakamba za afotokozi, aneni, ndi aonjezi anzawo.

Mitundu ya Aonjezi

1. Muonjezi wamakhalidwe

Amadziwika chifukwa amayankha funso loti “bwanji” kapena “motani”.

Zitsanzo

Ine ndadzuka bwino.

Aphunzitsi athu amayankhula
mwanzero.

2. Muonjezi wa nthawi

Amayankha funso loti “liti” kapena “nthawi yanji”

Zitsanzo

Adapita ku Malomo dzana.

Maliya wabwera usiku

3. Muonjezi wamalo

Amayankha funso loti “kuti” kapena “muti”

Zitsanzo

Amayi apita kumsika.

Mbuzi yagwera mumtsuko.

4. Muonjenzi wa muyeso

Amapima (amayesa) kukula kapena kuchepa momwe ntchito yachitikira.

Ali m'mitundu yotsatilayi

a. Wowerenga

Zitsanzo

Ndagogoda kanayi koma sadandiyankhe.

Amapita kwawo kamodzikamodzi.

b. Wokulitsa kapena wochepetsa

Zitsanzo

Ndavulala kwambiri.

Undigawireko pang'ono
nsimayo.

5. Muonjezi wovomera kapena kukana

Zitsanzo

Inde, ndibwera madzulo.

Ayi, si bwenzi langa.

6. Muonjezi wotsimikiza kapena kukana

Zitsanzo

Mulungu amatikonda zedi.

Mwina tidzaonnananso.

7. Muonjezi wofunsa

Ndi mawu ofunsira omwe timagwiritsa ntchito pofuna kudziwa za mkhalidwe, nthawi, malo ndi muyeso.

Zitsanzo

Mwanayo amadya motani?

Mudabwera liti kuno?

Alumikizi

Ndi mawu amene amagwirizana kapena kulumikiza mawu, akapandamneni, nthambi za chiganizo kapena ziganizo.

Mitundu

1. Alumikizi olumikiza mayina

Zitsanzo
Iwo amakonda mazira ndi
mpunga.
Ndikufuna nsomba osati
nyama.

2. Alumikizi olumikiza aneni

Zitsanzo
Anabwera ndipo wapiti.
Iye wadya koma sadakhute.

3. Alumikizi olumikiza afotokozi

Zitsanzo

Wavala Malaya akuda osati
oyera.

Mwana waulemu ndi wanzeru
amanyaditsa makolo.

4. Alumikizi olumikiza ziganizo

Zitsanzo
Ngakhale amadwala,
adagwirabe ntchitoyo.
Timadya mmene amafika.

Ntchito za alumikizi

Alumikizi amagwira ntchito izi:

a. Kuwonjeza

Amagwira ntchito yowonjeza ngati aonetsa kuti chinthu china
chikuphatikizidwa ku chinthu china.

Zitsanzo

Amayi ndi abambo amalima zedi.

Chikondi ndi mwana wanzeru komanso woleza mtima.

b. Kumatula/olekanitsa

Amagwira ntchito yopatula ngati akulekanitsa zinthu.

Zitsanzo

Ugule bukulo osati nsapato.

Ndikufuna kugula galimoto osati kumanga nyumba.

c. Kusonyeza kukaika

Amaonetsa kuti pali zinthu ziwiri zokambidwa koma chenichenicho
sichidziwika.

Zitsanzo

Muphike nyama kapena
nsomba.

Ukufuna mwana kapena
sukulu.

d. Kusonyeza zotsatira

Amalimikiza poonetsa zotsatira za zomwe zachitika.

Zitsanzo

Sankalimbikira choncho walephera mayeso.

Pemphani ndipo mudzapatsidwa.

e. **Kusonyeza mgwirizano**

Zitsanzo

Amalimbikira kuti adzamukweze pa ntchito.

Wakwiya popeza mwamugawira pang'ono.

Zizindikiro za M'kalembedwe

a. **Mpumiro(.)** Mwana wagona kale.

b. **Mpatuliro(.)** Ndadya maye,masuku,mapoza ndi nthudza.

c. **Mtamuliro(:)** Adatenga zinthu monga:
zovala,zidebe,chikwama ndi mtondo.

d. **Mitengero(" ")** Aphunzitsi adati,"khala chete iwe!"

e. **Nkhodolero(')** Dothi landigwera m'maso.

f. **Mfuwuliro(!)** Mayo! Ndakhala padzuwa.

g. **Mfunsiro(?)** Kodi mubweradi?

h. **Mpumirapang'ono(;))**
Adagwira ntchito molimbikadi; lero ndi mfulu pakhomu pake.

i. **Mdulamawu(_)**
Kakambiraneni za_
Kupsa.

j. **Mikutiramawu()** Poizoni (chiphe)

k. **Kachisoti(^)**

l. **Chizindikiro chosonyeza chiganizo kapena ganizo ladulidwa(^)**

Zoyankhula Mwini

Ndi mawu enieni omwe adatuluka pakamwa pa yemwe adayankhula.

Zolinga zoyankhulira

Kufotokoza,kudziwitsa,kulonjeza,kulamula,kulangiza,kuyankha,kutsutsa,kuchenjeza,k uopseza,kudzudzula,kudandaula,kudzipereka,kupempha,kudabwa ndi kuyamika.

Zitsanzo

Jese adati,"Lero mayeso anaphweka."

“kodi upita nawo kwa agogo?” a Lemani adafunsa Sekelani.

Zoyankhula wina

- Ndi mawu enieni otuluka pakamwa pa amene akumva nkhani.
- Ndi mawu wofotokoza za zomwe wina adayankhula.

Zitsanzo

Jese adatitsikulo mayeso adaphweka.

A Lemani adafunsa Sekelani ngati akadapita nawo kwa agogo.

“Ndikuphunzira Chichewa,” Zapansi adandidziwitsa.

Zapansi adandidziwitsa kuti adali kuphunzira Chichewa.

“Kodi Chikondi ali bwino?” Mayamiko adafunsa.

Mayamiko amafuna kudziwa ngati Chikondi ali bwino.

Zinthu zomwe zimasintha mzoyankhula mwini kupita ku zoyankhula wina.

Nthawi za aneni

Nthawi yatsopano yopitiriza kuti ikhale nthawi yakale yopitiliza

Zitsanzo

“Tikusesa m’nyumba,” adatero asungwana.

Asungwana adati anali kusesa m’nyumba.

Momwe aphantikiri, masinde ndi mawu ena angasithire

Zitsanzo

“Ndibwera kumeneko kudzaona mwana wanga,” adatero Malizani poyankhula pa lamy.

Malizani wati abwera kuno kudzaona mwana wake.

Alowam’ malo ndi masinde aumwini amasintha akamachotsedwa m’zoyankhula mwini n’kupita m’zoyankhula wina.

Zitsanzo

Za mwini

Ine

Ife

Iwe

_nga

_thu

_ko

Za wina

iye

iwo

ine

_ke

_wo

_ngo

Mawu otamula zomwe mwin adayankhula pozifotokoza m'zoyankhula wina ayenera kugwirizana ndi zomwe mwini amafuna monga;

Kufotokoza, kupempha, kufunsa, kulamula

Ziganizo zoyankhula wina zimatha kuyamba motere:

a. Amayi adati-----

b. Chindime amandifotokozera
kuti-----

c. Nanchidwe amafuna kudziwa
ngati----

d. Chimunthucho chimandifunsa
ngati-----

e. Sing'anga wandilangiza kuti---
--

Misintho ya aneni

Kupatula msintho wobwereza, msintho umapangidwa pochotsa lembo laliwu "a" lotsiriza kutsinde la mnene ndi kuikapo mphatikiram'tsogolo wa msintho pampatapo.

Mitundu ya msintho ya aneni

1. Msintho wochitidwa

Uli ndi mitundu iyi:

a. Msintho wochitidwa m'chibisira

Aneni ake amathera ndi aphatikiram'tsogolo "_eka " ndi "_ika"

Zitsanzo

Nsima yadyeka lero.

Anyamatawo amaenyeka
zedi.

b. Msintho wochitidwa poyera

Aneni ake amathera ndi aphatikiram'tsogolo a "_edwa" ndi "_idwa".

Zitsanzo

Mbuzi yawo yaphedwa.

Munda wathu walimidwa

bwino.

c. **Msintho wonyazitsa**

Aneni ake amasonetsa kunyanzitsa kapena kunyoza ndipo aneni ake amathera ndi aphantikiram' tsogolo monga “_ewa;”_iwa ndi”_wa.

Zitsanzo

Galu wawo waphewa.

Ndipsi ija yamangwa.

2. **Msintho wom'chitira**

Aneni ake amasonyeza kuti wina wachita ntchito m'malo mwa wina. Aneni ake amathera ndi aphantikiram' tsogolo “_ira” ndi “_era”.

Zitsanzo

Adamumangira nyumba ya malata mkazi wake.

usadandaule, ndikubwerekera buku Domasi.

3. **Msintho wobwerezabwereza**

Aneni ake amasonyeza kubwerezedwa kwa ntchito ndipo msinthewu umapangidwa pobwereza tsinde la mneni.

Zitsanzo

Iye amangoyendayenda nthawi zonse.

Anawo amaliralira pakudya.

4. **Msintho wochititsa**

Aneni ake amasonetsa kuti wina wachititsa ntchito ichitike ndipo amathera ndi aphantikiram' tsogolo “_itsa” ndi “_etsa”.

Zitsanzo

Walembetsa mayeso ovuta.

Aphunzitsi alimitsa munda waukulu.

5. **Msintho wochitsitsa**

Aneni ake amasonetsa kuti ntchitoyachitika motsindika ndipo amathera ndi aphantikiram' tsogolo “_itsitsa” ndi “_etsetsa”.

Zitsanzo

Iye wakanitsitsa.

Aphunzitsi akuonetsetsa tikuchitazi.

6. **Msintho wochitirana**

Aneni ake amasonyeza kuti ntchito yachitika mobwezerana ndipo amathera ndi m'phantikiram' tsogolo “_na”.

Zitsanzo

Iwo adamenyana koopsa.

Atsikanawo adalumana pandewuyo.

7. **Msintho wotsutsana**

Aneni ake amasonyeza kutsutsana kwa ntchito ndipo amathera ndi m'phantikiram' tsogolo “_ula”.

Zitsanzo

Mneni

Msintho

MIVEKERO

Ndi mawu amene amasonyeza maonekedwe, mchitidwe, fungo, kapena khalidwe la chinthu.

Magulu ya mimvekero

Pali magulu asanu a mimvekero

- Gulu lokhala ndi phatikizo limodzi la malembo:** ga, du, gu, chi.
- Gulu lokhala ndi maphatikizo awiri a malembo:** gada, phofo, deru.
- Gulu lokhala ndi maphatikizo atatu a malembo:** balala, dululu, tololo.
- Gulu lokhala ndi maphatikizo anayi kapena opitirapo a malembo:** kholophethe, sokoloku, vumbuluku.
- Gulu lokhala ndi mawu obwerezabwereza:** deruderu, tukutuku, sadabusadabu.

Mitundu ya mimvekero

Pali mitundu inayi ya mimvekero.

1. **Mimvekero yamamvekedwe**

Umasonyeza kamvekedwe ka chinthu.

Zitsanzo

Belu lalira kuti ngoo.

Madzi ali poo pa mpopi.

2. **Mimvekero yamkhalidwe**

Umasonyeza khalidwe la chinthu.

Zitsanzo

Onse adali chete pamene aphunzitsi aakulu amayankhula.

Kunyumba kudali zii ngati kudalibe anthu.

3. **Mimvekero ya maonekedwe**

Umasonyeza maonekedwe a chinthu kapena munthu.

Zitsanzo

Lero kunja kuli mbeee.

Ali ndwii ngati amuzazira.

4. **Mimvekero yamchitidwe**

Imasonyeza mchitidwe wa chinthu kapena munthu.

Zitsanzo

Anthu adali dululu ku msika.

Mukadali gwirugwiru simunakonzeka.

5. **Mimvekero yosonyeza fungo**

Imasonyeza mmene fungo la chinthu limamvekera.

Zitsanzo

Kunkhutiko kuli phuu kununkha.

Kafungo ka mafuta kamene wadzola Kondwani kachita kuti guu.

AKAPANDAMNENI

- Ndi gulu la mawu limene silikhala ndi mneni wosintha nthawi.
- Gululi lingakhale ndi mawu kuyambira awiri kupita mtsogolo.

Zitsanzo

Taukani abambo a Maliko.

Iye adzakhala nafe moyo wake wonse.

Mitundu ya akapandamneni

1. **Kapandamneni wa dzina**

Ndi gulu la mawu limene limayamba ndi dzina koma silikhala ndi mneni wosintha nthawi.

Zitsanzo

Amagula chiphaso chokhalira m'dzikomo moyo wake onse.

Iwo adzakhala nafe moyo wawo wonse.

2. **Kapandamneni wa mfotokozi**

Umayamba ndi mfotokozi.

Zitsanzo

Mnyamatayo adatitengera ku chinkhalango chowirira kwa mnanu.

Nambewe ndi mtsikana woyera bwino.

3. **Kapandamneni wa muonjezi**

Mtunduwu umayamba ndi muonjezi.

Zitsanzo

Iwo amaoneka mochititsa mantha.

Mtsikanayo adalira mofuula kwambiri.

4. **Kapandamneni wa mfuwu**

Umayamba ndi mfuwu.

Zitsanzo

Kalanga ine! Ng'ombe ija
yafa.

Mayo ine! Wandilasa pa
mtima.

5. **Kapandamneni wa mperekezi**

Mawu oyamba agululi ndi mperekezi.

Zitsanzo

Aphunzitsi akutsogolereni pa zokambirana zanu.

Muziyenda m'mbali mwa nsewu ingakugundeni galimoto.

6. **Kapandamneni wa mnene wosasintha nthawi**

Amayamba ndi mnene wosasintha nthawi.

Zitsanzo

Samafuna kudzisaukitsa iwo eni.

Kuberana pamalonda n'kulakwa

APEREREKEZI NDI NTCHITO ZAWO

Aperekezi amagwira ntchito zosiyanasiyana motere:

a. **Kusonyeza mbali komwe**

kuli/kapena wapiti

munthu/zinthu

Zitsanzo

Nambewe ali ku msika.

Mwayi wakhala pa mpando wanga.

c. **Kusonyeza mkati**

Khoswe walowa mu tsuko.

d. **Kusonyeza umwini**

Tandiuza za a chimwene ako.

e. **Kusonyeza nthawi**

Zitsanzo

Mbavazo zandibera pakati

pa usiku.

Chimwemwe wapiti kwa

Madalo.

b. **Kusonyeza pomwe chinthu**

chili

Zitsanzo

Anabwera pa basi.

Zitsanzo

Joni wakwera mu mtengo.

Zitsanzo

Khasu la Kalirani lathyoka.

Ndakhala ndili kuja kwa zaka zisanu.

KUPHWANYA ZIGANIZO ZA NTHAMBI POONETSA NTHAMBI ZAWO

- Nthambi za chiganizo zilipo mitundu iwiri. Izi ndi **nthambi zoima pazokha** ndi **nthambi zosaima pa zokha**.

- Nthambi ya chiganizo yoima payokha imatha kupereka ganizo lomveka bwino payokha.
- Nthambiyi imakhala ndi mwininkhani komanso mneni wakewake.

Chitsanzo

Ophunzira amene amawerenga amakhoza mayeso.

Nthambi yoima payokha

Ophunzira amakhoza mayeso.

Nthambi yosaima payokha

Amene amawerenga

Nthambi za chiganizo

Zosaima pazokha zimagwira ntchito ngati dzina, mfotokozi, kapena muonjezi m'chiganizo.

a. **Nthambi ya dzina**

- Imagwira ntchito ngati dzina m'chiganizo.
- Nthambiyi ndi yankho la funso, **chiyani**, kapena **kuti chiyani**, kapenanso “_yani” ndi “_ti?”

Zitsanzo

Ndi bodza kuti Joni wabwera

Ndi bodza

_kuti chiyani?

_kuti Joni wabwera

Zitsanzo

- Sadaulule zomwe anagwirizana.
- Umanena chatsitsa dzaye.
- Zakuti adyera nyama, si za chilendo.

Ntchito za nthambi za dzina

Zimagwira ntchito zotsatirazi

1. **Mwininkhani**

Zitsanzo

Zomwe wachita, zatikhumudwitsa.

Kuti ndinu ana aulesi, zaonekera poyera.

Aliyense wochita izi, sadzapulumuka.

2. **Pamtherankhani**

i. **Pamtherankhani wa mneni(wachindunji)**

Zitsanzo

Wakolora zomwe anabzala.

Iye wandiuza kuti safuna zachipongwe.

Mundisankhire amene afuna kupita nawo.

ii. **Pamtherankhani wa mperekezi**

Zitsanzo

Anakhutitsidwa ndi zomwe ndinamufotokozero.

Mupereke mwayi kwa aliyense yemwe angafune.

Tikhale tcheru ku zolankhula zake.

iii. **Kukhala mtsirizo wa aneni**

Zitsanzo

Izi ndi zomwe umafuna.

Iwowa ndi womwe amatithandiza kwambiri.

Wodya nawo phwando adzakhala aliyense yemwe adzavale mwinjiro.

iv. **Kukhala pamtherankhani wopanda chindunji(mlandira kanthu)**

Zitsanzo

Aphunzitsi amapereka mphatso kwa onse opambana kupitirira malikisi 70(mlandira “mphatso”).

Atate agulira njinga mwana amene amavina bwino kwambiri pamaso pa alendo(mlandira “njinga”).

Nthambi ya mfotokozi

- Nthambi yosaima payokha yomwe imagwira ntchito ngati mfotokozi.
- Ndi gulu la mawu lokhala ndi mneni wakewake m'chiganizo ndipo limakamba zambiri za dzina.
- Nthawi zonse nthambi ya chiganizo ya mfotokozi imatsatira dzina limene ikumfotokoza.
- Nthambiyi ndi yankho lafunso “_kuti” kapena “_tani”
- Kawirikawiri nthambiyi imayamba ndi mawu ochokokera ku tsinde la mgwirizano _mene kapena _mwe.

Zitsanzo

Ng'ombe yomwe yakonzedwa ndi yanga.

Msungwana akubwera apoyo sadziwa kuphika.

Ana amene amathawa sukulu sakula ndi makhalidwe abwino.

Nthambi za muonjezi

- Nthambiyi imagwira ntchito ya muonjezi.
- Nthambiyi imakamba za aneni ali mu nthambi yoima payokha.
- Mneniyo amafotokozedwa ponena za nthambi, malo, mkhalidwe, mchitidwe, chifukwa ndi cholinga.
- Nthambizi zimayamba ndi alumikizi “monga” ndi (mokhala) “ngati”

Mitundu

1. **Nthambi ya muonjezi wa mchitidwe**

- Imadziwitsa momwe ntchito inachitikira poyankha funso **bwanji?** kapena **motani?**

Zitsanzo

Amaimba monga amayimbira amake.

Iye akuyenda ngati watopa.

Mphaka amadya (monga) ngati safuna.

2. **Nthambi ya muonjezi wa malo**

- Imatidziwitsa komwe ntchito inachitikira poyankha funso **kuti(pati,poti,muti?)**

Zitsanzo

Iwo amanga sukulu pomwe adabadwira John Chilembwe.

Komwe wachedwa msulu, kuli nyerere.

Mubzale mbeuzo m'mayenje momwe muli ndowe.

Patsala paja, pagona chinziri.

3. **Nthambi ya muonjezi wa nthawi**

- Imafotoko za nthawi yomwe ntchito inachitika
- Nthambiyi imayankha funso **liti(nthawi yanji?)**

Zitsanzo

Mmene munkabwera, munali anthu abwino.

Chule anadabwa madzi atafika m'khosi.

Iye adafika nditatha kudy.

4. **Nthambi ya muonjezi wa chifukwa**

- Imatiuza cholinga chogwirira ntchito.

Ndi chifukwa chiyani(ninji) ndi funso lomwe nthambiyi imayankha.

Zitsanzo

Wamenyedwa chifukwa amamuyamba wamisala.

Popeza mwandinyoza, sindidya nsima yanu.

Kwapsa tonola chifukwa sudziwa mtima wamoto.

Ndamukhulukira poti(popeza kuti) wapepesa.

5. ***Nthambi ya muonjezi wa cholinga***

- Nthambiyi imatiuza cholinga chogwirira ntchito.
- Nthambiyi nthawi zambiri imayankha funso **chifukwa (ngakhale samanena za chifukwa koma cholinga)**.
- Imakonda kuyamba ndi mawu oti **kuti**

Zitsanzo

Yesu adafa kuti tipulumuke.

Akuphunzira kuti achorse umbuli.

Bwerani mudzaone zomwe ndakugulirani.

Angakulande, gwiritsa.

6. ***Nthambi ya muonjezi wolabada***

- Imayamba ndi mawu oti **ngakhale, chingakhale, kungakhale, angakhale** ndi(chi) nkana.

Zitsanzo

Sindipita ngakhale mundinyengerere.

Angakhale mukane chakudya,mwalepherabe mayeso.

Mungatero(ngakhale mutero) wolima mwana.

7. ***Nthambi ya muonjezi ya pokhapokha***

- Imaonetsa kuti ntchito ichitika ina ikachitika.
- Immatha kuyamba ndi mawu oti **ngati, pokhapokha, ndi mpaka**.

Zitsanzo

Sindipita nawo kuphwandoko pokhapokha andiitane.

Ngati abwera, ndipita nawo ku Lilongwe.

Sindikusiya mpaka undidalitse.

8. ***Nthambi ya muonjezi wa zotsatira***

- Nthambiyi imatisonyeza zipatso(**zotsatira**) zomwe zimaoneka chifukwa chogwira ntchito ina yake.

Zitsanzo

John waledzera kwambiri kotero kuti angodzigwetsa.

Amadzuka m'mawa kwambiri moti sungamupeze.

Mwana wanu anandipsetsa mtima mpaka ndamumenya.

KUPHWANYA CHIGANIZO POUNIKA MAWU PAOKHAPAOKHA

Ndiko kuphwanya chiganizo mozama.

Kumadalira kudziwa mitundu yonse ya mawu, ntchito imene mawuwo amachita m'chiganizo ndi ubale kapena kupendekerana kumene kuli pa mawu ena m'chiganizo.

Zina zofunika kudziwa pa mitundu ya mawu yosiyanasiyana

- | | |
|---|--|
| i. Dzina: mtundu, ntchito, gulu, kuchuluka kwake, chachikazi/chachimuna. | iv. Mneni: mtundu, nthawi, kanenedwe, kachitidwe. |
| ii. Mlowam'malo: mtundu, ntchito, gulu, kuchuluka. | v. Muonjezi: mtundu, ntchito. |
| iii. Mfotokozi: mtundu, ntchito | vi. Mlumikizi: mtundu, ntchito |
| | vii. Mperekezi: mtundu, ntchito |
| | viii. Mvekero : mtundu ntchito |

Chitsanzo

Mpalano umachitika pa zinthu zosiyanasiyana.

Kuphwanya kwake

Mpalano: dzina lopanda mwinimwini, mwininkhani, mpirirantchito, gulu la Mu_Mi_

Lonena za chimodzi, losatchula chachimuna kapena chachikazi.

Umachitika: mnenei wosayambukira, nthawi yatsopano yakawirikawiri, kanenedwe

Kofotokoza, kachitidwe kochitidwa m'chibisira

Pa : mperekezi wosonyeza malo, kuperekeza dzina “zinthu”

Zinthu: dzina lopanda mwinimwini, pamtherankhani wa mperekezi, gulu la Chi_Zi_

Lonena za zambiri, losatchula chachimuna kapena chachikazi.

Zosiyanasiyana: mfotokozi wamkhalidwe, kukamba za dzina “zinthu”

Samalani adapha akalulu atatu.

Kuphwanya kwake

Samalani: dzina la mwinimwini, mwininkhani, mchitantchito, gulu la Mu_A_, lotchula

Chachimuna, lonena chimodzi

Adapha: mnenei woyambukira, nthawi yakale, kanenedwe kofotokoza ,kachitidwe

Kawochita.

Akalulu: dzina lopanda mwini, pamtherankhani wachindunji, mpirirantchito, gulu la

Mu_A_ lonena chimodzi, lotchulira chachikazi kapena chichimuna

Gona upumule.

Kuphwanya kwake

Gona: mneni wosayambukira, nthawi yatsopano, kanenedwe kolamula, kachitidwe ka wochita

Upumule: mneni wosayambukira, nthawi yatsopano, kanenedwe kachifuniro, kufotokoza zotsatira, kachitidwe kawochita

Nambewe amandisangalatsa ndi nseko yake

Kuphwanya kwake

Nambewe: dzina lamwinimwini, mwininkhani, lonena za chimodzi, lotchulira chachikazi, gulu la Mu_A_ munthu wa chitatu

Amandisangalatsa: mneni woyambukira, nthawi yatsopano yakawirikawiri, kanenedwe kofotokoza, kachitidwe kawochita

ndi: mperekezi wa dzina “nseko”

nseko: dzina la chinthu chosakhudzika, pamtherankhani wa mperekezi ndi lotchulira chomwe si chachikazi kapena si chachimuna, gulu la I_Zi_ chinthu chachitatu

yake: mfotokozi waumwini, kufotokoza za dzina “nseko”

NTCHITO ZA NDI, TI, ndi LI

Ndi

1. Kukhala mlumikizi

Amalumikiza mitundu yofanana ya mawu monga dzina ndi dzina linzake, mneni ndi mneni kaya mfotokozi ndi mfotokozi wina.

Zitsanzo

Ng'ombe yanga ili ndi maanga oyera ndi ofiira.

Amayi ndi atate apita kumunda.

2. Kukhala mneni

Uyu ndi mneni amene sasonyeza ntchito koma kunena za m'mene chinthu chiriri.

Zitsanzo

Ng'ombe ndi nyama yabwino.

Julius ndi mnyamata wochenjera.

3. **Kukhala mgwirizantsi wa mlowammalo wa dzina lakelake wakalozamwini**

Mgwirizantsiyu angakhale wa mwininkhani kapena pamtherankhani.

Zitsanzo

Ine ndikupatsani malangizo ena pa umphawi.(mwininkhani)

Ine adandisonyeza khalidwe linalina anawo.(wapamtherankhani)

4. **Kukhala mvekero**

Mvekero wake amasonyeza kulimba kwa chinthu.

Zitsanzo

Atakhoma chikhomo chinalimba ndi osagwedezeke.

Moyo wa ndi umakhala kwa amene amadya zosiyanasiyana.

5. **Kukhala mperekezi**

"ndi" amaperekeza dzina limene likutsatira mneni wosayambukira amene sangakhale ndi pamtherankhani wachindunji.

Zitsanzo

Ubwere ndi mabuku ako.

Adafa ndi ludzu.

Amagona ndi make khutu yemwe.

Ti

1. **Kukhala tsinde la mneni**

Kusonyeza kuti ntchito ichitika posachedwapa

Zitsanzo

Nditi ndipite kumsika.

Akuti tipitile limodzi.

2. **Kukhala tsinde lofunsira**

Zitsanzo

Ukupita kuti?

Ndi uti waba nthochi?

3. **Kukhala m'phatikiram'mbuyo wopangira dzina lochepetsa**

Zitsanzo

Mundigulireko timatemba.

Timbalame tam'kamwa sitinona.

4. **Kukhala mgwirizantsi**

a. **Wa mwininkhani**

Zitsanzo

Ife timadya nsima.

Timitengoti tigwa.

b. **Wowerengera**

Zitsanzo

Tiana tinayi tavulala.

Ndigulire tinkhuku tiwiri.

c. Wa ubale/mgwirizano

Zitsanzo

Tiagalu timene tagwidwa ndi tanu.

Mundigawire tinthu timene mwatenga.

d. Wolozero

Zitsanzo

Tinthu tija tapezeka.

Tinjinga tija tapezeka.

e. Wofunsira

Zitsanzo

Ukufuna titi?

Wadya titi?

5. Kukhala m'phatikiram'kati

Zitsanzo

Ndatipeza tinkhuku tanu.

Kodi mwatigwira timbalame tija?

6. Kukhala m'phatikiram'tsogolo wolozero

Zitsanzo

Tinjingati n'tosalimba.

Kodi mwagula tinkhuniti?

Li

a. Kusonyeza umwini wa chinthu

Zitsanzo

A ndagoma ali ndi ana atatu.

Kodi mayi pathupi muli napopa m'pachingati?

b. Kukhala mneni wothandiza

Zitsanzo

Awa ali kulera bwino ana
awo.

Bambo ali kupita kumsika.

c. Kukhala m'phatikiram'tsogolo woloza wa gulu la dzina Li_Ma_

Zitsanzo

Bukuli ndi langa.

Tsitsili kameteni lakula.

Khandali mwalitumbiza.

d. Kukhala mneni wosonyeza mmene chinthu chilili

Zitsanzo

Ife tili bwino pang'ono.

Anawo ali bwino.

e. Kusonyeza nthawi yatsopano

Zitsanzo

Dzani ili lithothoka tsopano
apa.

f. Kukhala mgwirizanitsi wapamtherankhani

Zitsanzo

Khandali mwalitumbiza.

Dzuwa lilowa
posachedwapa.

Lalanje talichekerana
tonse.

Kapangidwe ka afotokozi

Afotokozi ndi mawu amene amafotokoza kapena kunena zambiri za dzina makamaka za khalidwe, kuchuluka, mchitidwe kapena maonekedwe a dzinalo.

a. Afotokozi ochokera kumasinde aafotokozi

Masinde a afotokozi ndi awa: -tali, -fupi, -ng'ono, -kulu, -wisi, -kazi, ndi -muna
Amapangidwa pophatikiza aphetikiram'mbuyo awiri ku tsinde la mfotokozi.

Aphetikiram'mbuyowa ndi mgwirizanitsi wamfotokozi ndi wina wosonyeza gulu la dzina.

Zitsanzo

Mgwirizanitsi Wa mfotokozi	Mgwirizanitsi wa gulu la dzina	Tsinde la mfotokozi	Mfotokozi
Wa	m-	tali	wamtali
La	li	fupi	lalifupi
Wa	m-	ng'ono	
wamng'ono			
Wa	u	kulu	waukulu
Ya	i	muna	yaimuna

b. Afotokozi ochokera ku mayina

Amapangidwa pophatikiza aphetikiram'mbuyo amene ndi mgwirizanitsi a afotokozi ku mayina.

Mphetikiram'mbuyo	Dzina	Mfotokozi
Wa-	mwano	wamwano
La-	ufulu	laufulu
a-	Nkhanza	ankhanza
Ka-	mphamvu	kamphamvu

c. Afotokozi opangidwa kuchokera ku aneni

Amapangidwa pophatikiza mphatikiram'mbuyo ku mnani.

Zitsanzo

Mwana wochenjera uja wagenda njinga.

Anthu akuba amasowetsa mtendere.

Mugule nsalu yoyera yovala kukhichini.

- Afotokozi omwe atsekedwa mzere kungsi kwawo m'ziganizozo apangidwa pophatikiza aphetikiram'mbuyo wa-, a-, ndi yo- ku aneni *chenjera*, kuba ndi yera.

d. Afotokozi opangidwa kuchokera kumasinde olozera

- Zitsanzo za aonjezi ndi bwino ndi kale.
- Timaphatikiza aphetikiram'mbuyo ku aonjezi amenewa timapanga afotokozi

Mwachitsanzo

Tsabola wakale sawawa.

Ndamugulira nsapato zabwino.

e. Afotokozi opangidwa kuchokera kumasinde olozera

Zitsanzo

Msungwana uja wabweretsa nthochi.

f. Afotokozi opangidwa kuchokera ku masinde a umwini

Zitsanzo: Wanga, wanu, wathu, zathu

g. Afotokozi opangidwa ku masinde ofunsira

Zitsanzo: Ati, liti, wotani, zotani, lotani

h. Afotokozi opangidwa kuchokera kumasinde owerenga

Zitsanzo: Amodzi, awiri, zitatu, zisanu, anayi

i. Afotokozi opangidwa ku masinde ena

- **Masinde amene amasonyeza kupeneka**

Tsinde losonyeza kupeneka ndi -na

Zitsanzo

Munthu wina watenga kope langa

- **Masinde ophetikiza(-nse)**

Zitsanzo

Nyama yonse yaola

Anyamata onse azivala bwino.

- **Masinde opatula (-kha)**

Zitsanzo

Madalitso yekha wabwera.

Mubweretse nyemba zokha

NCHITO ZA MASINDE ENA A MAWU

a. Tsinde -nse

Amasonyeza kusasiyako kanthu

Zitsanzo

Tengani zonse

Apita onse kumadzi

b. Tsinde -kha

Limasonyeza kupatula kapena kusachita zambiri

Zitsanzo

Ndifuna nyama

Akuti iwe wekha

Talemba Chichewa

yokha

upita

chokha

c. Tsinde -be/-je

Masinde awa amasonyeza kuti chimene tikuchinena sichilipo ayi.

Zitsanzo

Nsimayo kulibe/kulije.

Sabwera alibe/alije choyendera.

Masinde ena amene si mayina, a neni, a afotokozi, kapena a aonjezi ndi awa:

d. Masinde olozera: -no; -ja

Bwera kuno/pano/muno.

Pita kuja/paja/muja

e. Masinde ofunsira mafunso

-tani : Chotani? Motani? Mwatani?

-ti : Kuti? Ziti? Liti? Uti?

-ngati : Kangati? Zingati? Chingati?

-yani : Chiyani? Ndi yani? Chayani?

f. Masinde osonyeza umwini

-nga (ine) : changa, langa, wanga

-thu (ife) : chathu, lathu, wathu

-ko (iwe) : chako, lako, wako

-nu (inu) : chanu, lanu, wanu

-ke (iye) : chake, lake, wake

-w (iwo) : chawo, lawo, wawo

g. Masinde amgwirizano/ubale

-mene : Munthu amene wapiti ndi wakuba.

-mwe : Zinthu zonse zomwe mungachite sizidzabisika.

MITUNDU YOSIYANASIYANA YA MAWU AMODZI

Zitsanzo zimene mawu amodzi angaonetse mitundu ingapo ndi izi:

a. Uja

Mlowam'malo: Uja watopa

Mfotokozi : Mwana uja watopa

b. Ndi

Mlumukizi : Jojo ndi Tawina samvana

Mneni : Boyi ndi wosauka

Mperekezi : Amukwapula ndi chikwapu

c. Pano

Mfokozi : Pamudzi panom'poyipa

Mlowam'malo: Pano m'pachabe

Muonjezi : Khalani pano musachoke

d. Tsatsa

Dzina : Tenga tsatsa ilo.

Mneni : Tsatsa nkuku kwa aphunzitsi

e. Tsekera

Dzina : lye wapaza tsekera

Mneni : Jane tsekera nkuku

Ndikufunirani kuwerenga kopambana.
Dekhani mkanda woyera umvekedwa
m'khosi mwanumo.
